



Na osnovu člana IV.3.b) Ustava Bosne i Hercegovine, Predstavnički dom Parlamentarne skupštine Bosne i Hercegovine na 21. sjednici, održanoj 10. decembra 2015. godine, usvojio je

## **IZMJENE I DOPUNE POSLOVNIKA PREDSTAVNIČKOG DOMA PARLAMENTARNE SKUPŠTINE BOSNE I HERCEGOVINE**

### **Član 1.**

U Poslovniku Predstavničkog doma Parlamentarne skupštine BiH („Službeni glasnik BiH“, broj 79/14 i 81/15) u članu 25. u stavu (5) iza tačke c) dodaje se nova tačka d) koja glasi:

„d) u skladu s članom 25. stav (2) Kodeksa, razmatra žalbe poslanika na odluke Zajedničke komisije za ljudska prava, kojom je izrečena mjera o povredi Kodeksa;“

Dosadašnje tačke d), e), f) i g) postaju tačke e), f), g) i h).

### **Član 2.**

U članu 63. (Zajednička komisija za administrativne poslove) u stavu (1) tačka l) briše se.

### **Član 3.**

U članu 64. (Zajednička komisija za ljudska prava) u stavu (1) tačka v) mijenja se i glasi:

„v) priprema i utvrđuje Prijedlog kodeksa, te najmanje jednom godišnje dostavlja Parlamentarnoj skupštini Bosne i Hercegovine na razmatranje i ocjenjivanje izvještaj Zajedničke komisije o pitanjima provođenja Kodeksa;“

Iza tačke v) dodaje se nova tačka z) koja glasi:

„z) provodi postupak utvrđivanja povrede Kodeksa, te donosi odluku u skladu s odredbama Kodeksa.“

### **Član 4.**

#### **(Stupanje na snagu)**

Ove izmjene i dopune Poslovnika Predstavničkog doma Parlamentarne skupštine Bosne i Hercegovine stupaju na snagu narednog dana od dana objavljivanja u „Službenom glasniku BiH“.

Broj: 01-02-4-1493/15  
Sarajevo, 10. 12. 2015.

**PREDSJEDAVAJUĆA  
PREDSTAVNIČKOG DOMA  
Borjana Krišto**